



Broj: 13/03-2-2-23-3877/16  
Zenica, 17.03.2016.godine

22-03-2016  
H

**GRADSKA/OPĆINSKE SLUŽBE  
ZA BRANILAČKO-INVALIDSKU ZAŠTITU**

**PREDMET: Stambeno pitanje branilaca i članova njihovih porodica u 2016.g,  
Oglas, Instrukcija sa popratnim obrazcima, na postupanje-dostavlja se-**

Na osnovu odredbi Uredbe o pomoći u rješavanju stambenog pitanja branilaca i članova njihovih porodica („Sl. novine ZE-DO kantona“ broj: 4/14), u prilogu dostavljamo:

-Oglas o dodjeli novčane pomoći braniocima i članovima njihovih porodica u svrhu rješavanja stambenog pitanja u 2016.godini;

-Instrukciju o o primjeni Uredbe o pomoći u rješavanju stambenog pitanja branilaca i članova njihovih porodica sa popratnim obrazcima;

Shodno proceduri utvrđenoj odredbama Uredbe nadležne općinske/ gradske služba, kao prvostepeni organi u postupku rješavanja uz obavezno pridržavanje hodograma utvrđenog Instrukcijom o primjeni Uredbe obavezne su i:

-objaviti Oglas o mogućnosti podnošenja zahtjeva za dodjelu novčanih sredstava u svrhu rješavanja stambenog pitanja po Instrukciji Ministarstva, bez drugih izmjena javno i transparentno na oglasnoj ploči općine/ grada i općinskih branilačkih udruženja, kao i putem lokalnih sredstava javnog informisanja dana **28.03.2016.god.**;

-u propisanim rokovima Ministarstvu dostaviti listu prvenstva i konačnu listu prvenstva, kako poštom, tako i u elektronskoj formi;

-dostaviti kompletne spise predmeta (izvršiti pregled i odmah tražiti eventualne dopune) sa popunjenim obrazcima po Instrukciji, a u cilju bržeg i efikasnijeg provođenja procedure, obzirom da **nepotpuni, neblagovremeni i neuredni zahtjevi neće biti razmatrani, kako je navedeno i u Oglasu;**

S poštovanjem,

**Prilog:** Kao u tekstu

**MINISTAR**  
Fahrudin Čolaković  
Čolaković  
Fahrudin

**Dostavljeno:**

1 x Naslovu;

1x općinskim branilačkim udruženjima

1 x A/a.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD / OPĆINA \_\_\_\_\_

Služba za \_\_\_\_\_

Na osnovu člana 10. stav (2) Uredbe o pomoći u rješavanju stambenog pitanja branilaca i članova njihovih porodica („Službene novine Zeničko-dobojskog kantona" br. 4/14) (u daljem tekstu Uredba) i tačke 13. Instrukcije o primjeni Uredbe broj: 13/02-04-23-3877/16 od 10.03.2016.godine, Gradska/ Općinska služba \_\_\_\_\_ objavljuje

## OGLAS

### za dodjelu novčane pomoći braniocima i članovima njihovih porodica u svrhu rješavanja stambenog pitanja

#### I. Predmet oglasa

Obavještavaju se branioci i članovi njihovih porodica sa prebivalištem na području općine/ grad \_\_\_\_\_, kao i povratnici u Republiku Srpsku koji ostvaruju osnovna prava iz branilačko-invalidske zaštite u općini/ grad \_\_\_\_\_ i koji su na evidenciji nadležnog organa za vojne evidencije u općini/ grad \_\_\_\_\_, **o mogućnosti podnošenja zahtjeva za dodjelu jednokratnih, nepovratnih novčanih sredstava u svrhu rješavanja stambenog pitanja i to za:**

- 1) izgradnju stambenog objekta s ciljem trajnog stambenog rješavanja;
- 2) kupovinu individualnog stambenog objekta ili stana na osnovu ugovora zaključenog u 2015. i 2016.godini;
- 3) prilagođavanje stambenog objekta posebnim potrebama ratnih vojnih invalida;
- 4) sufinansiranje izdavanja dozvola za gradnju i sufinansiranje legalizacije stambenog objekta;

#### II. Pravo učešća na oglasu imaju branioci i članovi njihovih porodica koji:

- 1) imaju prebivalište na području Kantona u trajanju od najmanje 3 (tri) godine neprekidno, osim povratnika u RS;
- 2) ostvaruju prava iz oblasti branilačko-invalidske zaštite u općinama/ grad Kantona;
- 3) nemaju riješeno stambeno pitanje na području BiH i isto rješavaju na području Kantona (osim povratnika u RS);
- 4) posjeduju valjanu dokumentaciju za izgradnju ili kupovinu stambenog objekta;
- 5) nisu bili korisnici nepovratnih sredstava Federalnog, Kantonalnog ili općinskog/ gradskog budžeta, donatorskih i ostalih sredstava dodjeljenih u svrhu stambenog zbrinjavanja u iznosu većem od 5.000,00 KM;
- 6) nisu izvršili zamjenu, prodaju ili poklon stambenog objekta u ličnom ili vlasništvu članova zajedničkog domaćinstva;
- 7) oni i članovi njihovog porodičnog domaćinstva nisu vlasnici ili suvlasnici subjekta koji obavljaju privrednu ili drugu djelatnost, registrovani kao pravno ili fizičko lice;
- 8) ukupna primanja domaćinstva demobiliziranog branioca i RVI sa stepenom invalidnosti od 20% do 60% ne prelaze iznos prosječne neto plaće isplaćene u FBiH u 2015. god., odnosno iznos od **830,00 KM**;

#### III. Prioritetno rješavanje stambenog pitanja branilaca i članova njihovih porodica vrši se po pravu prvenstva kako slijedi:

- 1) dobitnici ratnih priznanja ili odlikovanja iz člana 5.stav 3. Federalnog zakona;

- 2) djeca šehida, poginulih, umrlih, nestalih branilaca bez oba roditelja i ratni vojni invalidi sa oštećenjem organizma od 100% I grupe;
- 3) porodice sa dva i više šehida, poginulih, umrlih, nestalih branilaca i ratni vojni invalidi sa oštećenjem organizma od 100% II grupe;
- 4) članovi uže porodice poginulih, umrlih ili nestalih dobitnika ratnih priznanja ili odlikovanja iz člana 5.stav 3. Federalnog zakona ;
- 5) porodice šehida, poginulih, umrlih, nestalih branilaca i ratni vojni invalidi sa oštećenjem organizma od 90%, 80% i 70%;
- 6) članovi uže porodice poginulih, umrlih ili nestalih dobitnika ratnih priznanja ili odlikovanja iz člana 5.stavovi 4. i 5. Federalnog zakona i umrlih ratnih vojnih invalida;
- 7) ostali dobitnici ratnih priznanja i odlikovanja;
- 8) ratni vojni invalidi sa oštećenjem organizma od 20% do 60%;
- 9) demobilizirani branioci;
- 10) udovica umrlog demobiliziranog branioca iz člana 3. tačka a) Uredbe;
- 11) roditelji umrlog RVI ili DB iz člana 3. tačka b) Uredbe;

**IV. Potrebna dokumentacija koju prilažu kandidati za dodjelu sredstava ( original ili ovjerene kopiji ne starije od 6 mjeseci od dana podnošenja zahtjeva):**

- 1) dokaz o statusu branioca i člana porodice branioca;
- 2) fotokopiju lične karte,
- 3) rješenje o starateljstvu nad malodobnom djecom bez oba roditelja (za djecu šehida/ poginulih branilaca bez oba roditelja);
- 4) dokaz o provedenoj ostavinskoj raspravi na pokretnoj i nepokretnoj imovini za porodice šehida/poginulih branilaca;
- 5) uvjerenje o kretanju izdato od MUP-a;
- 6) kompletnu dokumentaciju o stambenoj situaciji: za gradnju (građevinska dozvola, z.k.izvadak na imovinu kao dokaz o vlasništvu podnosioca zahtjeva) za kupovinu (ugovor o kupovini stambenog objekta uz priložen z.k. izvadak prodavca ili dokaz da je podnesen zahtjev za uknjižbu od strane kupca, rješenje PU-nadležne PI o plać./oslobađanju plaćanja poreza na promet nekretnina ili dokaza kopije ovjerenog zahtjeva podnesenog Poreznoj upravi-PI) ;
- 7) uvjerenje o prihodima zaposlenih, odnosno uvjerenje o nezaposlenosti punoljetnih članova domaćinstva;
- 8) posjedovni list i uvjerenje o promjenama u katastru od 1992.godine iz svih općina prebivališta (za lica koja su mijenjala prebivališta), za sve punoljetne članove domaćinstva;
- 9) uvjerenje nadležnog općinskog/ gradskog organa da nisu bili korisnici nepovratnih sredstava Federalnog, Kantonalnog ili općinskog/ gradskog budžeta dodjeljenih u svrhu stambenog zbrinjavanja u iznosu većem od 5.000,00 KM;
- 10) izjava da nisu izvršili zamjenu, prodaju ili poklon stambenog objekta u ličnom ili vlasništvu članova domaćinstva. Uz Izjavu priložiti Z.K. izvadak sa historijskim pregledom ( Z.K. izvadak sa upisanim promjenama kroz Z.K. uloške) za podnosioca zahtjeva i sve punoljetne članove domaćinstva.
- 11) ovjerena izjava o zajedničkom domaćinstvu (kućna lista);
- 12) uvjerenje Porezne uprave da nema poreznih zaduženja za sve punoljetne članove domaćinstva, odnosno da on i članovi njihovog por.-dom. nisu vlasnici ili suvlasnici subjekta, koji obavlja privrednu ili drugu djelatnost registriranog kao pravno ili fizičko lice;
- 13) druge dokaze iz kojih se vidi opravdanost zahtjeva.

## Visina sredstva

Za potrebe stambenog zbrinjavanja branilaca i članova njihovih porodica obezbjeđena su sredstva u Budžetu Zeničko-dobojskog kantona za 2016.godinu, na budžetskoj stavci Ministarstva za boračka pitanja, a ista će se realizirati u skladu sa prilivom sredstava u Budžetu Zeničko-dobojskog Kantona.

## VI. Postupak odobravanja sredstava

Zahtjev za novčanu pomoć u svrhu rješavanja stambenog pitanja zainteresovani kandidati podnose samo na za to posebnom (propisanom obrascu) od strane Ministarstva, uz obavezno prilaganje kompletne dokumentacije, kao dokaza o ispunjavanju uvjeta oglasa, a u cilju bodovanja i izrade rang liste na osnovu koje će biti izvršena dodjela sredstava.

Sve druge informacije koje se odnose na uvjete, kriterije za bodovanje, način i postupak dodjele sredstava po ovom oglasu, zainteresovani kandidati mogu dobiti uvidom u odredbe Zakona o dopunskim pravima branilaca i članova njihovih porodica, Uredbe o pomoći u rješavanju stambenog pitanja branilaca i članova njihovih porodica i Instrukcije o primjeni Uredbe o pomoći u rješavanju stambenog pitanja branilaca i članova njihovih porodica, koji će biti istaknuti uz ovaj oglas, kao i na web stranici [www.zdk.ba](http://www.zdk.ba). koja se odnosi na važeće propise.

## VII. Prijave na oglas se mogu izvršiti u roku od 30 (trideset) dana, od dana objavljivanja na oglasnoj ploči Općine/ Grada- 28.03.2016.god.( ponedjeljak) tj. posljedni dan za podnošenje zahtjeva je 27.04.2016.godine.

Obrazce zahtjeva zainteresovani kandidati mogu preuzeti pri nadležnoj službi Općine/ Grada \_\_\_\_\_ . Podnosilac je dužan svojeručno potpisati zahtjev, kojim potvrđuje i da je priložio svu potrebnu dokumentaciju traženu oglasom (original ili ovjerene kopije ne starije od 6 mjeseci od dana podnošenja zahtjeva), pri čemu je nadležna Služba u obavezi pružiti sve potrebne dodatne informacije.

**Nepotpuni, neblagovremeni i neuredni zahtjevi neće biti uzeti u razmatranje.**

Broj: 13/03-2-2-23-3877-1/16

Datum: 28.03.2016.god.